

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1807780962 որոշման հիմքում դրված փաստական հանգամանքների դեմ բերված գանգաւրն առանց բավարարման թողնելու մասին

<<15>> 05 2018թ. 14-13-33726-18/14-13-927

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Վիգեն Բաղդասարյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Շահումյան 2 փողոցի 34 տան բնակիչ Վիգեն Բաղդասարյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին թիվ 1807780962 որոշմանը՝ նշելով որ տվյալ տարածքում կանգառն արգելող ոչ մի նշան չկա և տվյալ տարածքը հանդիսանում է Երևան քաղաքի՝ <ԳՆՈՒՆԻ> շուկայի ավտոկայանատեղի, որտեղ տրանսպորտային միջոցների կայանումը կարգավորվում է աշխատակցի կողմից:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Վիգեն Բաղդասարյանը ճանաչվել է որպես իրավախախտում կատարած անձ, ուստի նրա կողմից ներկայացված գանգաւրը ենթակա է քննության:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 80-րդ կետի համաձայն՝ **տրանսպորտային միջոցը տեղակայել թույլատրվում է երթևեկելի մասի եզրին զուգահեռ մեկ շարքով՝** բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

ՀՀ Ճանապարհային ոստիկանության վարչական տույժ նշանակելու մասին վերը նշված որոշմամբ արձանագրված իրավախախտումն ամրագրած տեսանյութի լրացուցիչ ուսումնասիրությունից պարզվել է, որ դիմումատուին ամրակցված տրանսպորտային միջոցը տեղակայված է երթևեկելի մասի եզրին ոչ զուգահեռ, ինչը տեղակայման վայրում գծանշմամբ թույլատրված չէ:

Նշված կանոնի կատարումը, անկախ տարածքը համապատասխան ճանապարհային նշանով կահավորված լինելու և այն տեսանկարահանող սարքերի կողմից հսկվելու հանգամանքից, բոլոր տրանսպորտային միջոցների վարորդների պարտականությունն է, իսկ դրա մասին չիմանալը չի կարող անձին ազատել վարչական պատասխանատվությունից:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1807780962 որոշման հիմքում դրված փաստական հանգամանքների դեմ բերած գանգաւոր թողնել առանց բավարարման:
2. Հանձնարարել ՏՄՀԽԱ կենտրոնին, Վիգեն Բաղդասարյանի անվամբ կայացնել նոր վարչական ակտ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Վիգեն Բաղդասարյանին:

Կարգորդ՝ Ա. Նուկայան

